

Ekkei önnuk mei ekkesiwin iteitan. Kose mochen kopwe no ngeni <https://salkeiz.sharepoint.com/gam/SitePages/Home.aspx> ren na minafo.

1. Ach ei Kinikinin Sukuun Salem-Keizer mei nuku pwe ren an sam me iin me chóchón ei kinikin iir ékkéuchean maritan me öchun an ei kinkin kewe osukuun ika prokram, me a pwan pesei ngeni sam me iin me chóchón non ei kinikin ar repwe kan äkkämwa ach kei sukuun non unusen ei ierin sukuun. Ei kinikin a pwon pwe epwe awora ew nenien kääö mei nonomw fan tumwun me etiwa meinisin.
2. Popun an wor ei önnuk, pwun ei foos “wasona” faniten sam me iin, chon tumwunu ekkewe chon sukuun, me chochon non ei kinikin.
3. Ei önnuk epwe ngeni iö chon etto non ekkei neni:
 - Non ekkewe sukuun me an ei Kinikin kewe imw.
 - An sukuun me ei Kinikin kewe urumwot me fansoun ra wisen anamwu (non föuföun inis ika won kompiuter)
 - Än ei Kinikin kewe digital platforms (Facebook, Twitter me pwan chommong) me ekkewe mecha fifi
4. Ikkei met nöuch kewe wasona ika chon etto non ach kei sukuun repwe fori:
 - 4.1. Chon etto ämwa ekkei sukuun resapw osukosuka mwökütükütün sukuun nge repwe ekieki éuchean sukuun, kókkótun non ewe sukuun me classroom, tumwunun me pöchökunen ekkewe chon sukuun me än ewe kinikin kewe neni me tumwunu pisekin ewe kinikin kewe kompiuter an esapw ngaw nöunöun me ta.
 - 4.2. Ekkewe wasona repwe ömwökutu ar kewe önnuk me óóót seni ekkewe sukuun me kinikin. Mei mwumwu ngeni ekkewe principal ar repwe fori önnukun ar kewe sukuun me otoura fetanei won ar kewe anen otoura poraus.
 - 4.3. Ekkewe wasona ika chon etto non ekkewe sukuun resapw osukosuka kunokun än ekkewe sense osukuun atun sukuun ika me mwen sukuun, nupwen mei wor sukuun, me pwan ar osukuun won kompiuter.
 - 4.3.1. Ese mwumwu ngeni ekkewe wasona ika chon ämwa ekkewe sukunen elementary ar repwe nomw non ekkewe nenien kukunow fansoun sukuun.
 - 4.3.2. Ämwa ach kei sukuun me nukun ekkewe kunokun mwöngön neanowas, epwe akkoumw kawes ika föruno porausan me non ofesin ewe sukuun.
 - 4.4. Ekkewe chon etto non ekkewe sukuun repwe akkoumw tori ewe ofes ar repwe pwarireno, affata iter me met wiser, me akkota ar repwe etto me met popun ar etto.
 - 4.5. Esapw wor manawen eimwumwu, namanam tekia, esiit, me nifinifin aramas ren ekkewe wasona ika chon ämwa ewe sukuun.
 - 4.6. Esapw wor ren ekkewe wasona ika chon etto non ekkewe sukuun ekkewe pisekin efeiengaw ika met kewe iir mei äeä ne efeiengawa aramas ren chowean pistor, nikösuk, ika ekkewe pisekin ppek efeiengaw, me resapw mwo nge pwan awora fetanei me pwan amömmö. Ewe Kinikinin Sukuun Salem-Keizer ese mwutata ekkei sakkun nikinik, me iö mei atai ika u ngeni ei poraus epwe no ngeni ponis. Ese nifinifin iö aramas mei fiti an ei Kinikinin Sukuun Salem-Keizer kewe mwökütüküt nge esapw ii ponis ika ekkewe iir mei angei mwumwuta seni ponis, epwe pwan fis ngeni ena.
5. Ewe meinapen sukuun a wor an nemenem an epwe wisen öpwungano ika pwe emon chon etto ämwa ewe sukuun mei osukosuka sukuun.
6. Ekkewe chon etto visit repwe muttir esinesin ngeni chon angangen ewe sukuun ika pwe mei wor



ADMINISTRATIVE POLICY

Wason ngeni ekkewe Sukuun me Pwunun ewe Sukuun INS-A024

mettoch mei efeiengaw ika wor pwomen eimwumwu.

7. Ekkei sukuun repwe eimwuenoi an namanam fansoun seni an kofemen fansoun, ussun met mei affat me non ewe ORS 327.109. lei minne ekkewe sukuun resapw anisi ika eppet i namanam ika sakkun namanam meinisin.
 - 7.1. lö wasona e etto faniten epwe afanafana chon sukuun ar repwe fitir non ar nukunuk, resapw tongeni repwe tonong non ewe imwen sukuun atun sukuun.
 - 7.2. Mei tongeni epwe mwumwu ngeni ekkewe wasona ar repwe nomw atun mwöngön neanowas atun sukuun ika pwe mei afatafat iö we chon sukuun re etto fanitan.
 - 7.3. Ese mwumwu ngeni emon wasona epwe awora ika ëukano angangen namanam ika fän.
 - 7.4. Ika pwe mei wor wasona mei nomw ren ewe sukuun ika won pwunun ewe sukuun atun sukuun, iwe esapw wor än ekkewe namanam kewe mwiih ika prokram epwe fis. Mwöngön neanowas mei chok pachonong non kunokun sukuun.
8. Ewe principal ika iö we mei fin epwe ereni ewe wasona epwe no seni ewe sukuun, ika pwe ewe principal ika ewe mei fin nukun ewe principal mei kuna pwe mei efeiengaw ika osukosuka chon sukuun ika chon angang.
9. Ese mwumwuta nomwofetan won pwunun ewe sukuun. Nomwofetan, en sakkun emon aramas mei nomw non ika nomw unukun ewe imwen sukuun ika won pwunun ewe sukuun nge ese wor pwopwun ika ese wor wisan ngeni ekkewe chon sukuun, ika, esapw ii ponis ika chon angangen sukuun, ese wor popun an nomw non än we Kinikin we neni.
10. Emon chon sukuun ese susukuun non ewe sukuun ika mei fen saspem ika tou seni ena sukuun epwe tik non tipisin tömwäninong ika pwe re nomw won pwunun ewe sukuun nge ese wor pwopwun an epwe nomw.
11. Emon aramas epwe nomw non tikin tömwäninong ika pwun e tonong ika nonomw chok non ewe neni murin ach ereni epwe tou me ewe esinesin ren tipisin tömwäninong (Notice of Criminal Trespass) epwe kawor ngeni.
12. Ei kinikin mei nuku pwe mei fokkun ëucheä ngeni kinamwein ach kei sukuun ar tumwunu ew nenien käeö seni feiengaw, met mi atai önnuk, namanam tekia, me mekimek mei aosukosuk. Fan ekkoch än aramas mwökutukut mei tongeni osukosuka ei neni mei tumwun. Ren ekkena, ei kinikin mei tongeni atou taropwen esinesin faniten tömwäninong, ewe epwe ëukatiw ika atou ewe aramas seni won an ei Kinikin we neni.
13. Nape ngeni non ekkoch wewe epwe wor poraus ngeni emon me emon nupwen ar sórósóré mei osukosuka ewe nenien sukuun, nge ekkoch mwökutukut mei tongeni an epwe nomw non tikin tömwäninong.
14. Ekkewe imwen sukuun iir mei tongeni wau ewe taropwen tipisin tömwäninong (SEC-F007). Tipisin tömwäninong esapw nu seni 30 ran me mei tongeni affata kunokun me ranin an fis ewe fansoun tömwäninong. Non ekkei wewe, ekkewe souemwen non ekkewe iimw ika kinikin iir mei tongeni ar repwe ëkükünatiw tamen ewe tipisin tömwäninong inet chok a tufich ngeni.
15. Nöun district we taropwen tömwäninong epwe mak non noun Safety and Risk Management Services kewe taropwe, epwe mak ewe fansoun a för ena esinesin, porausen ena fansoun minne mei förata an epwe wor ena taropwe, taropwen esinesin mei kurufat, porausen ifa ussun epwe tour ngeni ekkewe aninis faniten sukuun ika mei ëucheä ngeni me angangen appeal faniten trespass.
16. Ka tongeni appealini ewe trespass (önnukun tömwäninong) mei katou seni ewe kinikin ren omw mak ngeni ewe Assistant Superintendent ika ewe Chief Operations Officer.
17. Ena tungor epwe awewei ika pwata epwe koturuno ena önnukun tömwäninong. Ena appeal ika tungor epwe mail non 5 ran fiti fengen me kapin ewe taropwen trespass. Ewe Chief Operations



ADMINISTRATIVE POLICY

Wason ngeni ekkewe Sukuun me Pwunun ewe Sukuun INS-A024

Officer ika Assistant Superintendent epwe nengeni ewe tungor, fengen me kapin ewe taropwen tomwaninong, me opwungano met pwungun. Me non 10 ran, ewe Chief Operations Officer ika Assistant Superintendent epwe makkei ponuwen ewe tungor ngeni ekkewe mwiih ika kumi ren pwungun met a finata ika epwe anisata, siwini ika ataieno ewe taropwen tömwaninong.

18. Atun chok an ewe kinikin a atou ewe trespass ika anisatai, iwe a poputa imanan, nge mei tongeni epwe wor appeal won murin ew ier me mwurin an a poputa an angang. (Katon Sapwun 15. me 16.)
19. Ekkewe taropwen tipisin tömwaninong mei katano/district trespass repwe mwittir kosu ika mwökut me won an ei kinikin we tracking system ika nenien akkatona mwokutukutun aramas, iwe epwe wor esinesin ngeni ewe neni a wisen awora ewe taropwe ren ewe ekkesiwin.

Anganga ewe Önnuk:

SEC-F007 – Esinesin ren Tipisin Tömwaninong (taropwe)

Porausen an ekkesiwin:

Pwinin Maram	Met a fis
02/08/2013	Ei taropwe a ketiw
3/13/2017	Ewe Cabinet ra etiwa ekkewe ekkesiwin – äkkäkis kapas a siwin
8/2/21	A kapacheta porausen digital platforms; pacheta porausen ach sipwe repotei met si mefi pwe mei efeiengaw
3/3/22	Ekkesiwinin fóós me tungorun ewe trespass a kapach ngeni ei önnuk

A kopwunguno seni: Level Office Director (ina mei nomw won file)